



*Framkvæmdafréttir óska  
lesendum sínum gleðilegs sumars*

## Nýr Landspítali staða framkvæmda og fréttir af verkefninu

- Samningsundirskrift um fullnaðarhönnun á húsi Heilbrigðisvísindasviðs HÍ
- Nýr Landspítali kynnir nýtt hús Heilbrigðisvísindasviðs HÍ á fundi Reykjavíkurborgar "Athafnaborgin 2022"
- Fulltrúar frá skrifstofu Skipulagsfulltrúa Reykjavíkurborgar heimsóttu framkvæmdasvæðið við Hringbraut
- Sendinefnd frá Færeyjum heimsækir framkvæmdasvæðið
- Uppsteypa meðferðarkjarna
- Jarðvinna í grunnri rannsóknahúss á lokametrum

# Samningsundirskrift um fullnaðarhönnun á húsi Heilbrigðisvísindasviðs HÍ



Frá vinstri: Hrafnhildur Ólafsdóttir, Ivon Stefán Cilia, Egill Viðarsson, Áslaug Arna Sigurbjörnsdóttir, Jón Atli Benediktsson, Runólfur Pálsson og Inga Þórsdóttir

Nýlega var undirritaður samningur um fullnaðarhönnun á nýju húsi fyrir starfsemi Heilbrigðisvísindasviðs Háskóla Íslands.

Samninginn undirrituðu Áslaug Arna Sigurbjörnsdóttir háskóla-, nýsköpunar- og iðnaðarráðherra, Jón Atli Benediktsson, rektor Háskóla Íslands, og Egill Viðarsson, Ivon Stefán Cilia og Hrafnhildur Ólafsdóttir frá ráðgjafateymi sem samanstendur af Verkís, TBL arkitektum ehf. og John Cooper Architecture. Auk þess vottuðu Inga Þórsdóttir, forseti Heilbrigðisvísindasviðs, og Runólfur Pálsson, forstjóri Landspítala, samninginn.

Áætlað er að húsið verði risið á Hringbrautarsvæðinu í nágrenni nýs Landspítala um mitt ár 2025. Hópur undir forystu Verkís varð hlutskarpastur í lokuðu útboði sem haldið var vegna hönnunar hússins.

Með nýbyggingunni, sem verður um 8.300 fermetrar, er ætlunin að sameina nær alla starfsemi Heilbrigðisvísindasviðs HÍ á einum stað.

Nýbyggingin mun tengjast Læknagarði sem verður jafnframt endurgerður. Húsnæðið verður sérhannað miðað við þarfir sviðsins, kennslu- og rannsóknastaða verður bætt og færð í nútímalegt horf og samnýting og sveigjanleiki verður aukinn til muna.

# Nýr Landspítali kynnir nýtt hús Heilbrigðisvísindasviðs HÍ á fundi Reykjavíkurborgar „Athafnaborgin 2022“

## Heilbrigðisvísindagarðar á Hringbrautarreit

Sameina nær alla starfsemi á einum stað

- Húsnæði sérhannað fyrir þarfir sviðsins
- Kennslu- og rannsóknastaða bætt og færð í nútímalegt horf
- Samnýting og sveigjanleiki aukinn til muna
- Sálfraeðeild áfram í Nýja Garði



Dr. vefingabloggi  
Hringbrautar  
verkefnið



Bjargey Björgvinsdóttir arkitekt á hönnunarsviði Nýs Landspítala

Á opnum fundi borgarstjóra 8.apríl í Ráðhúsi Reykjavíkur “Athafnaborgin 2022” kynnti Bjargey Björgvinsdóttir, arkitekt hjá NLSH, verðlaunatilögu um nýtt hús Heilbrigðisvísindasviðs Háskóla Íslands.

Hér má sjá kynningu Bjargeyjar:

<https://www.nlsh.is/media/byggingar/5.-Bjargey-Bjorgvinsdottir.pdf>

## Fulltrúar frá skrifstofu Skipulagsfulltrúa Reykjavíkurborgar heimsóttu framkvæmdasvæðið við Hringbraut



Starfsmenn skrifstofu Skipulagsfulltrúa Reykjavíkurborgar skoða framkvæmdasvæðið

Í apríl tók NLSH á móti fulltrúum frá skrifstofu Skipulagsfulltrúa Reykjavíkurborgar. Framkvæmdastjóri NLSH kynnti stöðu framkvæmdarinnar og að því loknu var framkvæmdasvæðið skoðað undir leiðsögn.

## Sendinefnd frá Færeyjum heimsækir framkvæmdasvæðið



Það viðraði vel til heimsóknar færeysku sendinefndarinnar.

Frá vinstri: Irena Nolsö heilbrigðisráðuneyti Færeyja, Fróði Jacobsen Landssjúkrahúsið, Sveinn Magnússon fv. skrifstofustjóri heilbrigðisráðuneytið, Bergþóra Smáradóttir NLSH og Katrin Joensen Landssjúkrahúsið

Nýlega heimsóttu fulltrúar frá Landssjúkrahúsinu og frá heilbrigðisráðuneyti Færeyja framkvæmdasvæði Nýs Landspítala.

Markmið heimsóknarinnar var að kynna sér framkvæmdirnar og ekki síst almannasamskipti við byggingu nýs Landspítala og það viðamikla samráð við ótal aðila sem fram hefur farið á undanförunum árum. Að lokinni kynningu var farið í vettvangsferð um framkvæmdasvæðið undir leiðsögn Bergþóru Smáradóttur verkefnastjóra á framkvæmdasviði NLSH.

## Uppstepya meðferðarkjarna



Horft yfir vegg, súlur og undirslátt loftaplötu í neðri kjallara



Horft yfir vegg og súlur í neðri kjallara. Fjær má sjá vegg í efri kjallara

Uppsteypuverkefnið á meðferðarkjarna gengur vel, en aðalverktaki uppsteypu- verksins er Eykt hf.

„Helstu verkþættir sem nú eru í gangi við uppsteypuna eru áframhaldandi vinna við mótauppblátt, járnabendingu, jarðskaut, fyllingar og lagnir í grunni. Vinna við undirstöður og botnplötur í efri kjallara er í fullum gangi. Í neðri kjallara er vinna við vegg og súlur að klárast og vinna við loftaplötur langt komin. Vinna við frágang kjallaraveggja, fyllingar að þeim sem og fyllingar inn í rými er í fullum gangi. Vinna við uppsteypu veggja og súlna efri kjallara er komin vel af stað. Einnig er vinna hafin við fyrstu súlur á 1. hæð og mannvirkið þar með farið að teygja sig upp úr grunninum og orðið vel sýnilegt. Vinna við eftirspenntar plötur er hafin og búið að spenna upp fyrstu plötuna. Vinna við stálvirki er hafin og búið að setja upp fyrstu súlur og bita. Vinna við tengiganga fyrir norðan meðferðarkjarna er í fullum gangi. Vinna við uppsteypu tengiganga milli meðferðarkjarna og rannsóknarhúss er að hefjast,“ segir Eysteinn Einarsson staðarverkfræðingur hjá NLSH.

## Jarðvinna í grunni rannsóknahúss á lokametrum



Grunnur rannsóknahúss er á lokametrunum


„Vel hefur gengið í jarðvinnu rannsóknahússins sem er nú á lokametrunum,“ segir Bergþóra Smáradóttir verkfræðingur og verkefnastjóri á framkvæmdasviði NLSH.

„Verktaki fer senn að ljúka jarðvinnu vegna rannsóknahússins. Áætlað er að verktaki klári alla jarðvinnu nú um mánaðamótin. Verktaki vinnur nú að því að setja upp bergstyrkingar meðfram grunninum ásamt að klára að keyra öllu lausu jarðefni í burtu af svæðinu,“ segir Bergþóra.

---

# Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Akstursleið  Akstursstefna  Gönguleið  Vinnusvæði 

## Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmiðlum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið [asbjorn@nlsh.is](mailto:asbjorn@nlsh.is)

Aðrar almennar upplýsingar veitir Magnús Heimisson samskiptastjóri NLSH, 866 1378 eða [magnus@nlsh.is](mailto:magnus@nlsh.is)

Sértækar upplýsingar veitir af hálfu Landspítala Andri Ólafsson 863 8595 [andriol@landspitali.is](mailto:andriol@landspitali.is) og frá Háskóla Íslands Björn Gíslason 896 0876 [bgisla@hi.is](mailto:bgisla@hi.is)